



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 132. Bellum Livoniensibus a Moscovita nuntiatum.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul XVI  
A.C. 1557.

fuam, ac perfidiam exprobrabat, & frustra illos Cæsaris gratiam, & opem imploratos dicebat, cum ipsi ejus imperia tam impudenter contempserint, destructis, ac violatis templis, & sacerdotibus injuriose habitis: si tamen quadragintamillia Joachimicorum pro superiorum annorum debitis solverent, & mille Hungaricos deinceps singulis annis pro ditione Torpatensi penderent, se pacem concessurum declarabat: verum paucis post diebus, perinde ac si eum oblatae gratiæ pœniteret, mittit ad legatos, qui summam imperatam exigent; quam cum illi numeratam se non habere dicerent, se tamen idoneis ei vadibus cavere, paratos exhiberent, nec ante discessuros promitterent, usque dum persoluta esset, Moscus, qui nonnisi hostiliter cum illis agendi occasionem quærebat, renuntiari legatis jubebat, quod ab eis toties delusus, perfidorum hominum amplius fidem sequi non posset, proinde in patriam quamprimum redirent, eos vero mox secuturus, atque ipsemet pecuniam promissam ab iis exacturus esset.

§. CXXXII.

*Bellum Livonenfibus a Moscovita  
nuntiatum.*

Jana

Jam a Mense Novembri Moscoviæ Dux Sæcul. XVI.  
A.C. 1557.  
Guilielmo Fürstenbergio supremo Li-  
vonici Ordinis Magistro, necnon Guiliel-  
mo Rigenfi Archiepiscopo, Hermano Tivan. l. c.  
Derptensi Antistiti, aliisque Episcopis,  
ac cunctis Livonibus bellum nuntiave-  
rat, ad prima autem anni sequentis au-  
spicia contracto trium millium exercitu  
in Tropatensem agrum populabundus  
descendit, cunctaque ferro, ac flamma  
devastavit: cumque ejus milites ne-  
minem, qui resisteret, offenderent, gra-  
naria, & horrea incendunt, cunctosque  
homines in plateis obvios trucidant, ma-  
ctantque greges, & armenta, quæ abi-  
gi non poterant, ubi etiam Pueri in-  
fra decimum ætatis annum necantur,  
qui vero vigesimum attigerant, omnes  
Tartaris tanquam mancipia venduntur,  
aliique hanc ætatem excedentes promi-  
scue sine ulla pietate jugulantur. Re-  
lucebant ubique flammis pagi, & fumi-  
gantibus adhuc reliquis villis, quas an-  
tea incenderant, silvæ tum puerorum,  
tum foeminarum ejulatibus late resona-  
bant. Tandem ipsa Torpatiensis civi-  
tas sese Moscovitis dederat, ac supremus  
Magister Guilielmus Fürstenbergius fu-  
ga ignave arrepta totam circacircum  
Regionem Moscovitarum, ac Russorum  
furori reliquit, qui etiam hujus Provin-  
ciæ

Sæcul. XVI A. C. 1557. ciæ possessionem detinebant, donec inde a Poloniæ Rege fuissent expulsi.

§. CXXXIII.

*Causa hæresis in Poloniam  
inveſtæ.*

**H**ic idem Poloniæ Rex nominabatur Sigismundus II. Sigismundi I. Filius, qui vivente adhuc Patre suo, cui successerat, Anno post Christum natum millesimo quingentesimo quadragesimo octavo coronatus est. Illius regnum Lutheri hæresis invaserat occasione captata ex commercio, quod Procerum filii cum Germaniæ Protestantibus fovebant: illi enim studiis vacaturi istorum Scholas adibant, falso persuasi, quod Professores Universitatum, quæ a Catholica Ecclesia segregatæ sunt, longe magis celebres sint, quam Doctores Catholici, ac proin horum Procerum Filii literis humanioribus optime imbuerentur, quin divinæ literæ, quas hæresum scaturiginem esse reputabant, immiscerentur. Hæc ipsa cæcitas eo magis erat deploranda, quo certiori experimento Polonis compertum fuerat, quod easdem ob causas Suevia, aliæque Regna vicina in hæreses incidissent. Verum Poloni errorem suum tum primum cognoverunt, postquam malum fraud ultra reparari poterat, eorumque